



Publicaziuns dalla vischnaunca, jamna 36

Damonda da baghegiar

Nr. 2011-1055

Datum da publicaziun: ils 9 da settember 2011

Il patrun: Roland Geiges, Im Adli 4, 8532 Warth

Il representant: Roland Geiges, Im Adli 4, 8532 Warth

Object: Engrondir il balcon existent, construcziun d'in secund balcon niev, remplazzament dalla seiv, parcella 1416, Via Clavaniev 8, 7180 Disentis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 7-9-2011

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2011-1050

Corsin Andriuet, Via Sontga Gada 16, 7180 Disentis/Mustér; siara nova per l'orticultura, parcella 2857, Via Sontga Gada 18, 7180 Disentis/Mustér.

Nr. 2010-1051

Willi Huonder-Giossi, Via Glaretsch 14, 7186 Segnas; endrizzar ina habitaziun el baghetg existent (midada d'intent), parcella 21, Via Peisel 4, 7186 Segnas.

Nr. 2011-1052

Steger S. SA, Pardomat 8, 7180 Disentis/Mustér; construcziun d'ina suschna, parcella 3028, Via Plaun da Diras 8, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 6-9-2011

Uffeci da baghegiar Disentis/Mustér

Annunzias per la fiera s. Martin

La fiera da s. Martin ha liug uonn gliendisdis, ils **14 da november 2011**. Annunzias per stans da fiera ein da far a scret entochen mesjamna, ils 5 d'october 2011 all'administraziun communal. Annunzias suenter quei termin san buca pli vegnir risguardadas.

Administraziun communal Disentis/Mustér



Quartier Caschuarz

Il 23 da matg 2011 ha la suprastonza communal orientau interessents davart il studi per ina surbaghegiada a Caschuarz. Entochen oz ei semussau ch'ei exista plitost igl interess d'acquistar singulas parcelas e meins habitaziuns da cumpropietad. Per saver segirar la parcella a liunga vesta sto la suprastonza communal prender proximamein decisiuns. Per quei vegnan interessents envidai d'annunziar lur interess da separticipar ad ina surbaghegiada tenor las variantas dil studi, respectivamein d'acquistar terren.

Persunas interessadas vegnan supplicadas d'annunziar lur interess a scret **entochen ils 30 da settember 2011** alla suprastonza communal, caum postal 57, 7180 Disentis/Mustér. Las annunzias han da cuntener, schebein igl interessent vul far part d'ina surbaghegiada tenor il studi ni schebein el vul acquistar ina part dalla parcella.

En cass d'in acquist da terren, duei la surfatscha giavischada vegnir indicada. Sch'ei vegn giavischau ina participaziun alla surbaghegiada, duei vegnir communicau la varianta favorisada.

Vischins che vulan prender investa dil studi san far quei cun s'annunziar al spurtegl dall'administraziun communal.

Disentis/Mustér, ils 6-9-2011
Suprastonza communal Disentis/Mustér

Controlla da habitonts

Mortoris

Anton Johann Schwarz, naschius ils 13-5-1944, morts ils 30-8-2011.

Ambros Josef Karl Widmer, naschius ils 6-4-1917, morts ils 31-8-2011.

Uorden dall'antieriura Casa Sogn Gions Mustér

Sco enonuschent vegn il baghetg dalla Casa Sogn Gions. spazzaus proximamein. Ad interessents vegn dau caschun d'annunziar giavischs per uorden entochen sil pli tard ils **16 da settember 2011**: tel. 081 929 56 56 (meinacasa).

Suandont uorden stat a disposiziun:

- umbrivals gronds e pigns
- lavabos
- duschas
- scaffas cun spiegel
- mantaners
- finiastras
- scaffas da resti
- escha
- lenna da diever

Cundiziun:

Igl uorden sto vegnir allontanaus ladinamein entras igl interessent. Cass cuntrari vegn igl uorden dismiss.

*Casa da tgira Sursassiala
Rita Furger, meinacasa*



Uniun da dunnas Mustér
Fiera da Nadal a Mustér

La fiera da Nadal ha liug **dumengia, ils 20-11-2011** naven dallas 13.00 tochen las 20.00 sin la piazza da scola a Mustér. Per damondas ni annunzias stat Fabiana Candinas bugen a disposiziun, tel. 081 947 42 88, ni 079 373 61 58, e-mail: fcandinas@gmx.ch.

Gimnastica dalla mesjamna

Mesjamna, ils **14 da settember 2011** allas 8.30 en halla Cons. Per in e scadin che ha plascher dil moviment entschevin nus puspei cun l'ura da gimnastica dalla damaun.

Cordial beinvegni a tuts interessai.
Las organisaturas, il menader e las menadras

Mittwochmorgenturnen

Am Mittwoch, **14. September 2011**, um 8.30 Uhr beginnen wir wieder mit der Morgengymnastik in der Halle Cons für alle, die Freude an der Bewegung haben.

Herzlich willkommen allen Interessierten.
Die Organisatorinnen, der Leiter und die Leiterinnen

Movis: Zumba-fitness

Saltar e trenar la fitness en atmosfera da party quei ei Zumba. Ei drova negina experienza da saltar! Cun buna musica latina e sempels pass sas era ti far enzatgei per la sanadad. Il motto ei semplamein semuentar ed haver plascher. Ei va vinavon ...

Cu? Naven dils 19-9-2011 mintgaga il gliendisdis sera
Nua? Halla Cons Mustér
Uras? Mintgamai dallas 19.30–20.30

Prezi e damondas?
zumba.disentis@gmail.com ni 076 719 50 75

Annunzia obligatoria!

Jeu selegrel
Daniela

Uniun samaritana Mustér

Nies proxim exercezi meinsil ha liug:

Gliendisdis, ils 12 da settember 2011
allas 20.00 en casa da scola, Cons.

A stedia participaziun envida la presidenta



Invit ad ina radunonza extraordinaria dils possessurs da dretgs e pursanavels dall'alp Russein

**Venderdis, ils 23 da settember 2011
allas 20.00 el hotel «Cucagna».**

Tractandas:

1. Sanaziun turbina
2. Varia

*En num dils possessurs da dretgs e pursanavels dall'alp Russein
gl'ugau d'alp*

Fiera da resti d'affons a Mustér

Venderdis, ils 9-9-2011 dallas 19.00–21.00.
Sonda, ils 10-9-2011 dallas 9.00–10.30.

**Secziun da catschadurs Péz Alpetta Mustér
trenament da sittar el center da tir a Sars sut**

15-9-2011 gievgia 18.30–19.30
24-9-2011 sonda 6.00–15.00

catscha communabla voluntaria

La suprastonza

Uniun purila ed Uniun da dunnas Medel/Lugmagn

Fiera Medelina

Mira sut Medel/Lucmagn!

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Venderdis/Freitag: 18.30–20.00

**Jamna dallas bibliotecas
dils 12 tochen ils 18 da settember 2011**

Prelecziun en biblioteca populara Disentis/Mustér

Gievgia, ils 15 da settember 2011 allas 20.00.

Il scolast ed archivar Tarcisi Hendry da Sedrun prelegia ord siu niev cudisch: «Brevs ord l'America: historia dall'emigraziun tuatischna».



La migraziun era gia in tema dil temps da nos antenats. Mo aunc oz ha ella piars nuot da sia actualitad.

Nus envidein tuts interessai cordialmein.

La squadra dalla biblioteca populara Disentis/Mustér

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

Temps d'emprest duront la stad: Fenadur ed uost

Gliendisdis 18.30–20.00

Venderdis 18.30–20.00

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér